



Inatsisartuni ilaasortaq  
Siverth K. Heilmann  
ATASSUT

Indgået

1 SEP. 2016

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Sanaartorfissagissaaneq aamma pikkorissartitsisarnerit pillugit Inatsisartut suleriaasianni § 37 naapertorlugu apeqqutinut akissutit**

Asasara Siverth

Naalakkersuisut apeqqutinut qujapput, Naalakkersuisut sinnerlugit uani ataani akissuteqarfigisassannut.

**Aallarniut**

Apeqqutigisannut akissuteqalinnginninni ataatsimut isigisunik oqaaseqaqqaalaarlanga.

Sanaartorfissagissaaneq nalinginnaasumik nassuiarneqartarpoq ”pisariaqartunik aqqusinernik, imikup aqqutaanik kloakkinik aamma erngup aqqutaanik, innaallagissamik pilersuineramik il.il. pilersitsiortornertut”.

Sanaartorfissagissaanermi siullermik sulianik ilinniarsimasut, soorlu sanasut, elektrikerit, vvs-ilerisut, maskiinanik ingerlatitsisartut kiisalu ingeniørit sanaartorfissagissaanermik suliaqartarput.

KTI aamma neqerooruteqartarpoq pikkorissartitsinernik immikkut speciaalinit sammiveqartunik, taamaasillunilu inuussutissarsiutit sammiviini – branche-ni – piginnaasat ilinniarsimasatigut qaffassarneqartarlutik.

Sanaartorfissagissaanerlu nammineq immikkut ilinniagassaanngilaq, sulianili sammivinni assigiinngitsuni amerlasuuni ilaalluni.

Naalakkersuisut Ilinniartitaanermut pilersaarummi 2016-imi sungiusaammik suliffissanut – praktikkerfissanut – periarfissat immikkut aallutassanngorlugit inississimavaat.

Ukiap ingerlanerani – novemberimi 2016-imi sungiusaammik suliffissat pillugit seminareqartitsisoqassaaq, sungiusaammik suliffissaqartitsinermi unammilligassat qaammarsaaviginiarlugit, taamaasillunilu ilinniartut, ilinniarfiit aamma suliffeqarfiit akornanni suleqatigiinneq nukittorsarniarlugu.

**Naalakkersuisunut apeqqut:**

1. Sanaartornerup iluani ilinniarsimassuseq qaffassarneqarnissaa suli pisariaqartipparput, aatsitassarsiornerup iluani periarfissat annertusiartorput, nunaqarfinnilu qaartitaluni

30-08-2016  
Sagsnr. 2016-12810  
Dok. nr. 3407757  
Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: iiknn@nanoq.gl  
www.nanoq.gl

nunagissaanerit avaqqunneqarsinnaanngillat, taamaattumik  
Naalakkersuisut pilersaaruteqarnerlutik nunatta ilaani inoqarfinni  
pikkorissaasoqarsinnaaneraniq aqutissiuissallutik?

### **Akissut**

Naalakkersuisut immikkuullarissunik pilersaaruteqanngillat nunaqarfinni  
sanaartorfissagissaanermut tunngatillugu pikkorissartitsisarnissamik, takuuk  
Naalakkersuisut Ilinniartitaanernut pilersaarutaat 2016.

1990-ikkut aallartisimalerneranni taamani Sanaartornermut Ilinniarfik  
pikkorissaanernik ”nunaqarfinni entreprenør-inut pikkorissaaneq”-mik  
taaneqartunik ingerlatsisarsimavoq.

Pikkorissaanerni taakkunani siunertaasimavoq nunaqarfimmiut nammineerlutik  
ingerlatsisinnaanerulernissaat assassornermi suliaassamik, assersuutigalugu  
aqqusinnernik pisuinnaallu aqputaannik illinernik, eqqaavilerinermi sulianut,  
imermik pajuttortarnernut il.il. periarfissamik pitsanngorsaasussamik.

Naalakkersuisut naliliisinnaanerani naapertorlugu pikkorissaanernik pineqartunut  
assingusunik aqqissuussisoqarsinnaavoq, naliliisoqarpat taamaattunik  
pisariaqartitsisoqartoq.

Piomasagaataassaarli akuersissutinik allagartanik pissarsiniarnerit  
aqqusaarneqaaqqaartarnissaat, tamatumani aamma qaartitserinermi pisortassatut  
maskiinarsuarnillu ingerlatitsisartutut Entreprenørinut Aatsitassarsiornermullu  
Ilinniarfimmi pikkorissarnernik ingerlatsinikkut.

Aamma naatsorsuutigisariaqassaaq aningaasaliissutinik pisariaqartunik  
annertujaanik immikkoortitsisoqartariaqarnissaa pikkorissaanernut namminernut,  
taamaattut nunaqarfinni ingerlanneqassagalarpata.  
Naalakkersuisut KTI suleqatigalugu piffissap ingerlanerani pikkorissaanernik  
pineqartutut ittunik pisariaqartitsineq misissorniappaat.

2. Sanaartornermi ilinniarfik suleqatigalugu, Naalakkersuisuni anguniar-  
neqarsinnaanerluni illoqarfiit nunaqarfiilluunniit arlaanni qaartitaluni  
nunagissaanermut pikkorissaasoqarnissaa? Suliffeqarfiit pioreersut  
suleqatigineqarsinnaapput atortuutaannillu atuineq periarfissaasinnaavoq.

### **Akissut**

Aallarniutinni soorlu eqqaagiga sanaartorfissagissaaneq taamaallaat  
tunngaveqartanngilaq maskiinarsuarnik ingerlatsisinnaanermut, qillerussuarnik  
ingerlatsisinnaanermut, qaartitserinernut imaluunniit ruujorinik plastikkiusunik  
svejserisarnermut pikkorissaanernik, KTI-mi maanna ingerlanneqartareersunik.  
Aamma pisariaqartinneqarsinnaapput sulianik ilinniarsimanngitsunut  
allagartartaarniarluni pikkorissarnerit soorlu maskiinarsuarnik entreprenør  
piinik ingerlatsisartutut, qaartitserinermi ikiortitit, lastbil-inik ingerlatitsisutut,  
aqqusinernik allanillu asfaltsilerinermi suleqataasutut, qillerivinni qillerisutut  
sulianut il.il.

Sanaartorfissagissaanerit annertuumik pisariaqartitsisarput sulianik ilinniarsimasunik, soorlu sanasunik, elektrikerinik, vvs-ilerisunik, entreprenørinik maskinarsualerisartunik kiisalu ingeniørinik.

Anguniakkamik pilersitsineq sanaartorfissagissaanermut pikkorissaanernik illoqarfinni nunaqarfinnilu ingerlatsiniarnernik siunertaqartut naammangillat sanaartorfissanik kissaatigineqartut aallartitsiniarnernut.

Taamaattumik sunniuteqassanngilaq isumaqaranilu Naalakkersuisut KTI pisussaaffilissappassuk sanaartorfissagissaanernut pikkorissaanernik illoqarfinni nunaqarfinnilu ingerlatseqqullugu.

Illoqarfinni nunaqarfinnilu suliffeqarfinnik pioreersunik suleqateqarsinnaanermut tunngatillugu apeqqummut, kiisalu taakkua maskiinaataanik atuisinnaanermut allagartartaartitsiniarluni immikkullu ilinniagaqartitsiniarluni pikkorissanernut, kiisalu immaqa ”nunaqarfinni entreprenørinut pikkorissaanernut” suleqateqarsinnaaneq isumaqarpoq, kisiannili maskiinarsuit pineqartut ilinniartitsinernut atorineqarsinnaanissaannut Aatsitassanut Ikummatissanullu Ilinniartitsinernut maskiinalerinerimut nakkutilliisumit taakkua akuerineqaaqartariaqassapput.

3. Assersuutitut inuit qulit (10) qaartiterinerimut nunatta ilaani pikkorissanermut atortutsigit, suliffeqarfiit innuttaasullu pisariaqartitaat nunagissaanermut iluaquserneqarnissaa qularutigineqassanngilaq, sumiissinnaaneralu apeqqutaagaluartoq tamanna qanoq akeqarsinnaanera Naalakkersuisuniit nalilersorneqarsinnaanarluni?

### **Akissut**

Eqqaaneqartutut immikkut allagartartaartitsisarneq aamma immikkut sammivinnut tunngasumik pikkorissartitsisarnerit taamaallaat Sisimiuni KTI-mi ingerlanneqartarput.

KTI Sisimiut avataanni pikkorissaanernik neqerooruteqartalissappat tamatumunnga aningaasartuutit qaffasissorujussuussapput. Taamaattumik Naalakkersuisut pilersaaruteqanngillat pikkorissaanernik sinerissap sinneranut siammartitserinissamut.

Naalakkersuisut maanna nalilersinnaanngilaat aningaasartuutit annertussuserisinnaasaat pikkorissaanernik sinerissamut siammaasoqassagalarpat. Pikkorissaanerit tulluuttu PKU-mi 2016-imi aningaasanut inatsimmi aningaasaliiffigineqarput.

- Common Core sap. ak. 10, pikkorissartut 20-it: aningaasaliissutit kr. 2.270.728
- Maskiinanik ingerlatitsisartut sap. ak. 4, pikkorissartut 12-it, aningaasaliissutit kr. 864.524
- Maskiinanik ingerlatitsisartut ingerlaqqiffiusumik sap. ak. 3, pikkorissartut 12-it, aningaasaliissutit kr. 416.369

- Qamussuarnik qillerivinnik ingerlatitsinermut pikkorissarneq sap. ak. 3, pikkorissartut 8, aningaasaliissutit kr. 444.616
- Kerneboring-it sap. ak. 6, pikkorissartut 12-it aningaasaliissutit kr. 965.852
- Laboratorie-mi sulineq sap. ak. marluk, pikkorissartut 12-it, aningaasaliissutit kr. 417.599
- Rigging aamma lifting sap. ak. marluk, pikkorissartut 12-it, aningaasaliissutit kr. 371.044
- Qaartitserinermut pikkorissarneq sap. ak. marluk, aningaasaliissutit kr. 206.388

Pikkorissaanerni sulianik ingerlatsilluni sulinertaa tunngaviusumik inuussutissarsiortut suleqatigalugit ingerlanneqarsinnaasoq, sumiiffinni assigiinngitsuni ingerlanneqarsinnaavoq piffissami qerinangitsumi.

4. Nunatsinni apeqqummi 3-imi periarfissat ajornakusoorpata, assersuutitut Norge-mi Norge-miunilluunniit suleqateqarluni aqqissuussisinnaaneq Finanslov aqputigalugu aningaasaliisinnaaneq Naalakkersuisuniit anguniarneqarsinnaanersoq paasisaqarfigerusuppara?

#### **Akissut**

Aatsitassanut Ikummatissanullu Sisimiuni Ilinniarfik 2010-miit maskiinanut pikkorissarnernik Norskit standart-iannik tunngavilimmik ingerlatsisuuvoq.

Norsk-it allagartaliisarnernut oqartussaasuisa allagartalersimavaat akueralugillu ilinniartitsiviit, maskiinat kiisalu ilitersuisut – instruktørit – norskit standard-iat tunngavigalugu ilinniartitsinernut atatillugu.

Ilinniarfiup pitsaassutsimut aqqissuussinera akuerineqartarpoq ukiut sisamakkaarlugit, audit aqputigalugu akuersissuteqartuniit.

Katillutik 170-it maskiinanik ingerlatsinernut sapaatip akunnerini sisamani pikkorissarnerni angusisimapput.

Aatsitassanut Ikummatissanullu Ilinniarfiup aamma neqeroorutigisarpai maskiinanik ingerlatitsisutut allagartap ”qaffanneqarnissaa” certifikatinngorlugu. 101-it qaffatami allagartartaarsimapput.

Ilanngullugu aamma 2012-imiit ilinniarfiup ukiuni sisamani inuussutissarsiutinut ilinniartitaaneq suliamik ilinniarsimasutut entreprenørit maskiinaannik ingerlatitsisutut neqeroorutigaa.

Aatsitassanut Ikummatissanullu Ilinniarfik Pinnigortitamut, Avatangiisinut Inatsisinillu Atortitsinermut Naalakkersuisoqarfimmiit (PAIAN) akuerisaammat qaartitserinermi teknikkimik ilinniartitsinermut, ukiumut qaartitserisarnermi pisortatut ilinniartitaanerit marluk neqeroorutaapput, kiisalu inatsisit naapertorlugu ukiumut marloriarluni malinnaatitsiviusumik pikkorissaasarnerit.

Maani najugaqartut 105-it 2008-miit allagartartaarfiusumik qaartitserisartut pisortaattut pikkorissaanernik naammassinnissimapput.

Naalackersuisut isumaqanngillat tunngavissaqanngitsoq norgimiunut  
saaffiginninnissaq sanaartorfissagissaanernut pikkorissaasarnernut tunngatillugu.

KTI-p ilinniartitaaneq akisussaaffigaa, aammalu allagartartaartitsisarnerit –  
certificerikkanik pikkorissaanertigut norskit pitsaassusissaatitaat naapertorlugit  
ingerlataralugit.

Inussiarnersumik inuulluaqqusilluta



Nivi Olsen